



Trg mladih 10, 76 100 Brčko distrikt Bosne i Hercegovine, Centrala: 049/233-200, Tel: 049/216-675, Faks: 049/216-779  
Трг младих 10, 76 100 Брчко дистрикт Босне и Херцеговине, Централа: 049/233-200, Тел: 049/216-675, Факс: 049/216-779

Broj: 14.05/1-33-876/10  
Brčko, 01.02.2010. godine

Na osnovu člana 4. Pravilnika o zapošljavanju i odabiru policijskih službenika tokom prelaznog perioda ("Službeni glasnik Brčko distrikta BiH", broj 14/08), šef Policije objavljuje

**JAVNI OGLAS**  
**ZA POPUNU UPRAŽNJENIH RADNIH MJESTA**  
**U POLICIJI BRČKO DISTRIKTA BiH**

**I. JEDINICA OPĆE POLICIJE**

a) Policajac  
Broj izvršilaca: 5

**II. JEDINICA ZA PODRŠKU**

a) Policajac  
Broj izvršilaca: 3

**III. JEDINICA KRIMINALISTIČKE POLICIJE**

a) Mlađi istražilac kriminalističke tehnike  
Broj izvršilaca: 1

**OPĆI USLOVI:**

Kandidati moraju ispunjavati slijedeće opće uslove:

- da je državljanin Bosne i Hercegovine;
- da je stariji od 18 godina;
- da ima najmanje IV. stepen školske spreme;
- da je zdravstveno i psihofizički sposoban za obavljanje poslova radnog mjesta na koje se prijavljuje;
- da nije otpušten iz policije kao rezultat disciplinske sankcije na bilo kojem nivou vlasti u BiH;
- da protiv njega nije pokrenut krivični postupak i da nije evidentiran u kaznenim i disciplinskim evidencijama za teže povrede službene dužnosti;
- da nije obuhvaćen odredbom člana IX. stav (1) Ustava Bosne i Hercegovine, odnosno da se nije odbio pojaviti pred Međunarodnim sudom za bivšu Jugoslaviju kao osoba optužena od tog tribunala.

**POSEBNI USLOVI:**

– za poziciju I a)

- čin: policajac – stariji policajac,
- položen vozački ispit «B» kategorije,
- poznavanje rada na računaru;

- za poziciju II a)
  - a) čin: stariji policajac – narednik,
  - b) položen vozački ispit «B» kategorije,
  - c) poznavanje rada na računaru,
  - d) zadovoljavajuća ocjena na testu fizičke sposobnosti;
  
- za poziciju III a)
  - a) čin: stariji policajac – narednik,
  - b) položen vozački ispit «B» kategorije,
  - c) poznavanje rada na računaru.

### **POTREBNA DOKUMENTACIJA:**

Uz prijavu na javni oglas kandidati su dužni dostaviti slijedeću dokumentaciju:

- uvjerenje o državljanstvu;
- izvod iz matične knjige rođenih (ne starije od tri mjeseca);
- dokaz o utvrđenom policijskom činu;
- diplomu o završenoj školskoj spremi (original ili ovjerena fotokopija diplome);
- uvjerenje da nije disciplinski kažnjavao za težu povredu službene dužnosti u prethodnih pet godina, te da se protiv njega/nje ne vodi disciplinski postupak za težu povredu službene dužnosti;
- dokaz da je kandidat zaposlen u službi za provođenje zakona u BiH, kao lice ovlašteno da primjenjuje policijska ovlaštenja i postupa kao ovlašteno lice po zakonu o krivičnom postupku BiH;
- uvjerenje da se protiv njega ne vodi krivični postupak (ne starije od tri mjeseca);
- izjavu kandidata ovjerenu u općini ili sudu kojom kandidat potvrđuje da nije optužen od Međunarodnog krivičnog tribunala za bivšu Jugoslaviju i da se nije odbio pojaviti pred Tribunalom;
- uvjerenje o propisanom iskustvu na policijskim poslovima i iskustvu pozicije na koju aplicira;
- ovjerenu fotokopiju vozačke dozvole «B» kategorije;
- ovjerenu fotokopiju lične karte;
- ovjerenu fotokopiju prijave prebivališta.

### **NAČIN PRIJAVLJIVANJA**

Prijavni obrazac (aplikacija) će biti dostupan kandidatima u sjedištu Policije Brčko distrikta BiH (kancelarija br. 11) kao i na web stranici [www.policijabdbih.gov.ba](http://www.policijabdbih.gov.ba).

Popunjene prijave na javni oglas sa potrebnom dokumentacijom (originale ili ovjerene fotokopije dokumenata) kandidati će predavati isključivo u Policiji Brčko distrikta BiH, kancelarija broj 11, Trg mladih 10, u vremenu od 8.00 do 16.00 sati svakog radnog dana.

Prijave dostavljene na drugi način i prijave koje su neblagovremene i nepotpune neće se uzeti u razmatranje.

### **NAPOMENA ZA SVE KANDIDATE**

U toku postupka izbora, vršit će se provjere priloženih obrazaca, te će se diskvalifikovati kandidati koji su dali netačne informacije.

Za kandidate za poziciju II a) bit će vršeno testiranje po kriterijima koje utvrđuje Komisija za izbor kandidata, a bit će objavljeni na web stranici Policije Brčko distrikta BiH.

Prednost pri odabiru kandidata imat će kandidati koji zadovoljavaju uslove iz podkriterija za selekciju kandidata koje donosi šef Policije Brčko distrikta BiH, a bit će objavljeni na web stranici Policije Brčko distrikta BiH.

Oglas je otvoren 15 dana od dana objavljivanja u dnevnoj štampi.

U toku postupka izbora kandidati će biti kontaktirani i informisani.

Odabir za prijem kandidata vršit će se u skladu sa Zakonom o policijskim službenicima Brčko distrikta Bosne i Hercegovine i Pravilnikom o zapošljavanju i odabiru policijskih službenika tokom prelaznog perioda.

**Š E F**  
**POLICIJE BRČKO DISTRIKTA**  
**Goran Lujčić**